

„VORTT“ d.o.o. Sarajevo, ulica Azize Šaćirbegović br. 128, koga zastupa direktor Vujičić Zijad, kao izvršilac poslova (u daljem tekstu: Izvršilac) s jedne strane i Javna ustanova Osnovna škola „Džemaludin Čaušević“ koju zastupa direktorica Beba Šarkinović kao naručilac poslova (u daljem tekstu: Naručilac) sa druge strane, zaključili su u Sarajevu, 05.01.2021.

ANEKS UGOVORA O OBAVLJANJU RAČUNOVODSTVENO-FINANSIJSKIH POSLOVA

Član 1.

Ugovorene strane saglasno konstatuju da su dana 05.01.2021. godine postigle saglasnost oko proširenja predmeta ugovora o obavljanju računovodstveno-finansijskih poslova broj: 01-89/03, tj u Članu 2. spisku računovodstveno finansijskih poslova se pridodaju i poslovi unosa podataka o javnim nabavkama u Registar javnih nabavki uspostavljen od strane Ureda za borbu protiv korupcije i upravljanje kvalitetom (u daljem tekstu: Ured). Registar javnih nabavki je baza podataka o pokrenutim i realiziranim javnim nabavkama u svim institucijama čiji je osnivač Kanton Sarajevo.

Dodatno iz Člana 3. briše se posljednja alineja tj. briše se „Predmet ovog ugovora su i poslovi zastupanja Naručioca u sudskim sporovima“.

Član 2.

Shodno ranijim upustvima Ureda imenovan je Administrator za javne nabavke koji je uposlenik škole. Administrator je, u pravilu, osoba odgovorna za predstavljanje javne institucije (rukovodilac ili osoba koju isti odredi), koja vrši unos, dodjelu ovlasti korisnicima i nadzor nad unesenim podacima. Izvršilac usluga će shodno ovom ugovoru preuzeti ulogu Korisnika kao osobe ovlaštene za unos podataka u web aplikaciju (ovlaštene od strane Administratora za unos podataka). Administrator će vršiti redovan ili periodičan nadzor nad unosom podataka od strane Korisnika dok će korisnik biti obavezan da svoje poslove unosa obavlja odgovorno i savjesno.

Član 3.

U svrhu organizovanja poslova iz Člana 1. i 2. ovog Aneksa Naručilac poslova je dao saglasnost na uvećanje mjesečne cijene usluga za 83,00 KM bez uračunatog PDV-a, tako da nova ukupna cijena usluga na mjesečnom nivou iznosi 1.219,66 KM bez uračunatog PDV-a.

Član 4.

Sve preostale odredbe osnovnog Ugovora i ranijeg Aneksa ugovora broj 22-56/2008, o obavljanju računovodstveno-finansijskih poslova ostaju na snazi na način kako su i ugovorene.

Član 5.

Ovaj aneks Ugovora sačinjen je u dva primjerka od kojih svaka ugovorena strana zadržava po jedan primjerak i isti se primjenjuje od 05.01.2021. godine.

Za naručioca: /

Beba Šarkinović



Za izvršioca: /

Vujičić Zijad

